



TOSHKENT DAVLAT YURIDIK UNIVERSITETI REKTORINING B U Y R U G ' I

27.10.2022

258-tm-son

Dars mashg'ulotlariga qatnashishga ruxsat berish to'g'risida

O'zbekiston Respublikasi Vazirlar Mahkamasining 2021-yil 4-noyabrdagi 675-son qarori bilan tasdiqlangan Iqtisodiyot tarmoqlarida kamida besh yil ish stajiga ega bo'lgan fuqarolarni sirtqi va kechki ta'lim shakliga suhbat natijalariga ko'ra tabaqalashtirilgan to'lov-kontrakt asosida o'qishga qabul qilish tartibi to'g'risidagi nizom, O'zbekiston Respublikasi davlat oliy ta'lim muassasalariga o'qishga qabul qilish jarayonlarini muvofiqlashtirish bo'yicha Davlat komissiyasining 2022-yil 3-avgustdagi 2-son bayoni hamda O'zbekiston Respublikasi Oliy va o'rta maxsus ta'lim vazirligining 2022-yil 8-sentabrdagi 02/15-4/1-5265-son xatiga asosan, shuningdek 2022/2023 o'quv yili uchun Toshkent davlat yuridik universiteti bakalavriati sirtqi ta'lim shakliga iqtisodiyot tarmoqlarida kamida besh yil ish stajiga ega bo'lgan fuqarolarni o'qishga qabul qilish bo'yicha Suhbat komissiyasining 2022-yil 14-oktabrdagi 2-son bayoni hamda 2022/2023 o'quv yili uchun Toshkent davlat yuridik universiteti bakalavriati sirtqi ta'lim shakliga iqtisodiyot tarmoqlarida kamida besh yil ish stajiga ega bo'lgan fuqarolarni o'qishga qabul qilish uchun o'tkazilgan suhbat natijalari yuzasidan abituriyentlarning apellyatsiya shikoyatlarini ko'rib chiqish bo'yicha Apellyatsiya komissiyasining 2022-yil 17-oktabrdagi bayoni ijrosini ta'minlash maqsadida,

BUYURAMAN:

1. 2022/2023 o'quv yili uchun Toshkent davlat yuridik universiteti bakalavriati sirtqi ta'lim shakliga iqtisodiyot tarmoqlarida kamida besh yil ish stajiga ega bo'lgan fuqarolarni tabaqalashtirilgan to'lov-kontrakt asosida o'qishga qabul qilish bo'yicha o'tkazilgan suhbat natijalariga asosan ro'yxati ilovada keltirilgan abituriyentlar 1-kursga talabalikka tavsiya etilsin va dars mashg'ulotlariga qatnashishga ruxsat berilsin.

2. Talabalarga xizmat ko'rsatish bo'limi (S.Rajabboyev):

belgilangan tartibda tabaqalashtirilgan to'lov-kontraktlar tuzilishi va to'lovlar amalga oshirilishi bo'yicha zarur choralarni ko'rsin;

talabalikka qabul qilish to'g'risida TDYU rektori buyrug'ini rasmiylashtirish uchun tabaqalashtirilgan to'lov-kontrakt shartlarini bajargan abituriyentlar haqidagi ma'lumotlarni tizimli ravishda Qabul jarayonini tashkil etish bo'limiga (B.Avazov) taqdim etib borsin.

3. Magistratura va sirtqi ta'lim fakulteti (A.Babadjanov):

ushbu buyruqning 1-bandiga asosan dars mashg'ulotlariga qatnashishga ruxsat berilgan abituriyentlar tomonidan belgilangan muddatga qadar to'lovlar amalga oshirilishini;

abituriyentlar tomonidan taqdim etilgan hujjatlarni o'rnatilgan tartibda to'liqligi va to'g'riligini tekshirgan holda qabul qilinishini;

har bir abituriyenting shaxsiy yig'ma jildi shakllantirilishi va ularning saqlanishini tashkil etsin.

4. Devonxona (X.Abdullayev) mazkur buyruqni manfaatdor tarkibiy bo'linmalarga yetkazsin.

5. Ushbu buyruqning ijrosini nazorat qilishni o'z zimnamda qoldiraman.

Rektor



A.TASHKULOV

Toshkent shahar

Kiritildi:

Bo'lim boshlig'i

B.AVAZOV



Kelishildi:

Xalqaro hamkorlik va uzluksiz ta'lim
bo'yicha prorektor

D.UMAROV



O'quv ishlari bo'yicha prorektor -
TDYuU qoshidagi akademik litsey
direktori

I.RUSTAMBEKOV



Boshqarma boshlig'i

S.BOZAROV



Bo'lim boshlig'i

S.RAJABBOYEV



yuriskonsult

D.ALIBOYEV



Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

A.BABADJANOV



Buyruq bilan tanishdim

B.AVAZOV

